


中阿含經



二百五十一
夙四

49365



元祿九年丙子二月日重脩

皇圖葉圖 帝潛綴呂

佛日增輝 懋輪常轉

山城州天安寺法金剛院置

阿含經卷第十四

東晉罽賓三藏瞿曇僧伽提婆

譯 風

王相應品之四

第二小土城誦

大天捺林經

大善見王經

大天捺林經第三

我聞如是一時佛遊鞞陀提國與大比丘衆

俱往至彌薩羅住大天捺林中尔時世尊行

道中路欣然而笑尊者阿難見世尊笑叉手

向佛白曰世尊何因緣笑諸如來無所著等

正覺若無因緣終不妄笑願聞其意彼時世

尊告曰阿難在昔異時此彌薩羅捺林之中

於彼有王名曰大天轉輪王聰明智慧有



四種軍整御天下由是自在如法法王成就
七寶得人四種如意之德阿難彼大天王成
就七寶爲何謂耶謂輪寶象寶馬寶珠寶女
寶居士寶主兵臣寶是謂爲七阿難彼大天
王云何名爲成就輪寶阿難時大天王於月
十五日說從解脫時沐浴澡洗昇正殿上有
天輪寶從東方來輪有千輻一切具足清淨
自然非人所造色如火燦光明昱爍天王見
已歡喜踊躍心自念曰生賢輪寶生妙輪寶
我亦曾從古人聞之若頂生刹利王於月十
五日說從解脫時沐浴澡洗昇正殿上有天
輪寶從東方來輪有千輻一切具足清淨自

然非人所造色如火燉光明昱爍彼必當作
轉輪王也我將無作轉輪王耶阿難昔大天
王將欲自試天輪寶時集四種軍爲軍馬軍
車軍步軍集四種軍已詣天輪寶所以左手
撫輪右手轉之而作是語隨天輪寶隨天輪
寶之所轉去阿難彼天輪轉已即去向於
方時大天王亦自隨後及四種軍若天輪
旨所住處時大天王即彼止宿及四種軍於
是東方諸小國王彼皆來詣大天王所白曰
天王善來天王此諸國土極大豐樂多有
人盡屬天王唯願天王以法教之我等亦當
輔佐天王於是大天王告諸小王曰卿等各

各自領境界皆當以法莫以非法無今國中
有諸惡業非梵行人阿難彼天輪寶過東方
去度東大海迴至南方西方北方阿難隨天
輪寶周迴轉去時大天王亦自隨後及四種
軍若天輪寶有所住處時大天王即彼止宿
及四種軍於是北方諸小國王彼皆來詣
天王所白曰天王善來天王此諸國土極
豐樂多有人民盡屬天王唯願天王以法教
之我等亦當輔佐天王於是大天王告諸小
王曰卿等各各自領境界皆當以法莫以非
法無今國中有諸惡業非梵行人阿難彼天
輪寶過北方去度北大海即時速還至本王

城彼大天王坐正殿上料理財物時天輪寶
住於虛空是謂大天王成就如是天輪之寶
阿難彼大天王云何名爲成就魚寶阿難時
大天王而生魚寶彼魚極白而有七支其魚
名曰于娑賀大天王見已歡喜踊躍若可調
者極令賢善阿難彼大天王則於後時告魚
師曰汝速御爲令極善調若魚調已便來
我今時爲師受王教已至魚寶所速御魚寶
令極善調彼時爲寶受極御治疾得善調猶
昔良魚壽無量百千歲以無量百千歲受極
御治疾得善調彼爲寶者亦復如是受極御
治疾得善調阿難今時爲師速御爲寶今極

善調爲寶調已便詣大天王所白曰天王當
知我以極御治之爲寶已調隨天王意阿難
昔大天王試爲寶時平且日出至爲寶所乘
彼爲寶遊一切地乃至大海即時速還至本
王城是謂大天王成就如是白爲之寶阿難
彼大天王云何名爲成就馬寶阿難時大天
王而生馬寶彼馬寶者極紺青色頭像如烏
以毛嚴身名毛馬王天王見已歡喜踊躍若
可調者極令賢善阿難彼大天王則於後時
告馬師曰汝速御馬令極善調若馬調已便
來白我今時馬師受王教已至馬寶所速御
馬寶令極善調彼時馬寶受極御治疾得善

調猶昔良馬壽無量百千歲以無量百千歲
受極御治疾得善調彼馬寶者亦復如是受
極御治疾得善調阿難尔時馬師速御馬寶
令極善調馬寶調已便詣大天王所白曰天
王當知我以極御治之馬寶已調隨天王意
阿難昔大天王試馬寶時平旦日出至馬寶
所乘彼馬寶遊一切地乃至大海即時速還
至本王城是謂大天王成就如是紺馬之寶
阿難彼大天王云何名為成就珠寶阿難時
大天王而生珠寶彼珠寶者明淨自然無有
造者八楞無垢極好磨治貫以五色繩青黃
赤白黑阿難時大天王內宮殿中欲得燈明

即用珠寶阿難昔大天王試珠寶時便集四
種軍爲軍馬軍車軍步軍集四種軍已於夜
闍中豎立高幢安珠置上出至園觀珠之光
耀照四種軍明之所及方半由延是謂大天
王成就如是明珠之寶阿難彼大天王云何
名爲成就女寶阿難時大天王而生女寶彼
女寶者身體光澤皎潔明淨美色過人小不
及天姿容端正靚者歡悅口出芬馥青蓮華
香身諸毛孔出旃檀馨冬則身溫夏則身涼
彼女至心承事於王發言悅樂所作捷疾聰
明智慧歡喜行善彼女念王常不離心況身
口行是謂大天王成就如是美安之寶阿難

彼大天王云何成就居士寶阿難時大天王
生居士寶彼居士寶極大豐富資財無量多
有畜牧封戶食邑種種具足福業之報而得
天眼見諸寶藏空有悉見見有守護無守護
者金藏錢藏作以不作皆悉見之阿難彼居
士寶詣大天王白曰天王若欲得金及錢寶
者天王莫憂我自知時阿難昔大天王試居
士寶時彼王乘船入恒水中告曰居士我欲
得金及以錢寶居士白曰天王願船至岸時
大天王告曰居士正欲此中得正欲此中得
居士白曰天王願今船住阿難時居士寶至
船前頭長跪申手便於水中舉四藏出金藏

錢藏作藏不作藏白曰天王隨意所欲金及
錢寶恣其所用用已餘者還著水中是謂大
天王成就如是居士之寶阿難彼大天王云
何成就主兵臣寶阿難時大天王生主兵寶
彼主兵臣聰明智辯才巧言多識分別主
兵臣寶爲大天王設現世義勸安立之設後
世義勸安立之設現世義後世義勸安立之
彼主兵臣爲大天王欲合軍衆便能合之欲
解便解欲今大天王四種軍衆不使疲乏及
勸助之諸臣亦然是謂大天王成就如是主
兵臣寶阿難是謂大天王成就七寶阿難彼
大天王云何得人四種如意之德彼大天王

壽命極長八万四千歲爲童子嬉戲八万四千歲作小國王八万四千歲爲大國王八萬四千歲剃除鬚髮著袈裟衣至信捨家無家學道學仙人王修行梵行在此彌薩羅住大天捺林中所阿難若大天王壽命極長八万四千歲爲童子嬉戲八萬四千歲作小國王四万四千歲爲大國王八万四千歲剃除鬚髮著袈裟衣至信捨家無家學道學仙人王修行梵行在此彌薩羅住大天謂大天王第一如意之德復次阿難彼大天王無有疾病成就平等食味之道不冷不熱安隱無諍由是之故其所飲食而得安消阿

難若大天王無有疾病成就平等食味之道
不冷不熱安隱無諍由是之故其所飲食而
得安消者是謂大天王第二如意之德復次
阿難彼大天王身體光澤皎潔明淨美色過
人小不及天端正姝好靚者歡悅阿難若大
天王身體光澤皎潔明淨美色過人小不及
天端正姝好靚者歡悅是謂大天王第三如
意之德復次阿難彼大天王常於愛念梵志
居士如父念子梵志居士亦復敬重於大天
王如子敬父阿難昔大天王在園觀中告御
者曰徐徐御車我欲久視梵志居士梵志居
士亦告御者徐徐御車我等欲久視大天王

阿難若大天王常於愛念梵志居士如父念
子梵志居士亦復敬重於大天王如子敬父
者是謂大天王第四如意之德阿難是謂大
天王得人四種如意之德阿難彼大天王則
於後時告剃髮人汝若見我頭生白髮者便
可啓我於是剃髮人受王教已而於後時沐
浴王頭見生白髮見已啓曰天王當知天使
已至頭生白髮彼大天王復告剃髮人汝持
金鑷徐拔白髮著吾手中時剃髮人聞王教
已即以金鑷徐拔白髮著王手中阿難彼大
天王手捧白髮而說頌曰
我頭生白髮 壽命轉衰減 天使已來至

我今學道時

阿難彼大天王見白髮已告太子曰太子當
知天使已至頭生白髮太子我已得人間欲
今當復求天上之欲太子我欲剷除鬚髮著
袈裟衣至信捨家無家學道太子我今以此
四天下付授於汝汝當如法治化莫以非法
無令國中有諸惡業非梵行人太子汝後若
見天使已至頭生白髮者汝當復以此國政
授汝太子善教勅之授太子國已汝亦當復
剷除鬚髮著袈裟衣至信捨家無家學道太
子我今為汝轉此相繼之法汝亦當復轉此
相繼之法莫令人民墮在極邊太子云阿我

今爲汝轉此相繼之法汝亦當復轉此相繼
之法莫令人民墮在極邊太子若此國中傳
授法絕不復續者是名人民墮在極邊太子
以是之故我今爲汝轉太子我已爲汝轉此
相繼之法汝亦當復轉此相繼之法莫令人
民墮在極邊阿難彼大天王以此國政付授
太子善教勅已便剃除鬚髮著袈裟衣至信
捨家無家學道學仙人王修行梵行在此彌
薩羅大天捺林中彼亦轉輪王成就七寶得
四種如意之德云何成就七寶得人四種如
意之德如前所說七寶得人四種如意之德
阿難彼轉輪王亦於後時告剃髮人汝若見

我頭生白髮者便可啓我於是剃髮人受王
教已而於後時沐浴王頭見生白髮見已啓
曰天王當知天使已至頭生白髮彼轉輪王
復告剃髮人汝持金鑷徐拔白髮著吾手中
時剃髮人聞王教已即以金鑷徐拔白髮著
王手中阿難彼轉輪王手捧白髮而說頌曰
我頭生白髮
壽命轉衰減
天使已來至
我今學道時

阿難彼轉輪王見白髮已告太子曰太子當
知天使已至頭生白髮太子我已得人間欲
今當復求天上之欲太子我欲剃除鬚髮著
袈裟衣至信捨家無家學道我今以此四天

下付授於汝汝當如法治化莫以非法無令
國中有諸惡業非梵行人太子汝後若見天
使已至頭生白髮者汝亦當復以此國政授
汝太子善教勅之授太子國已汝當復剷除
鬚髮著袈裟衣至信捨家無家學道太子我
今爲汝轉此相繼之法汝亦當復轉此相繼
之法莫令人民墮在極邊太子云何我今爲
汝轉此相繼之法汝亦當復轉此相繼之法
莫令人民墮在極邊太子若此國中傳授法
絕不復續者是名人民墮在極邊太子以是
之故我今爲汝轉太子我已爲汝轉此相繼
之法汝亦當復轉此相繼之法莫令人民墮

在極邊阿難彼轉輪王以此國政付授太子
善教勅已便剃除鬚髮著袈裟衣至信捨家
無家學道學仙人王修行梵行在此彌薩羅
大天捺林中阿難是爲從子至子從孫至孫
從族至族從見至見展轉八万四千轉輪王
剃除鬚髮著袈裟衣至信捨家無家學道學

仙人王修行梵行在此彌薩羅大天捺林中
彼最後王名曰居弥如法法王行法如法而
爲太子后妃姝女及諸臣民沙門梵志乃至
覬垂奉持法齋月八日十四日十五日修行
布施施諸窮乏沙門梵志貧窮孤獨遠來乞
者以飲食衣被車乘華鬘散華塗香屋舍牀

葶艷純綻給使明燈彼時三十三天集坐
善法講堂咨嗟稱嘆屈弥王曰諸賢鞞陀提
人有大善利有大功德所以者何彼最後王
名曰屈弥如法法王行法如法而爲太子后
妃姝女及諸臣民沙門梵志乃至蠅虫奉持
法齋月八日十四日十五日修行布施施諸
窮乏沙門梵志貧窮孤獨遠來乞者以飲食
衣被車乘華鬘散華塗香屋舍牀蓐艷純
綻給使明燈時天帝釋亦在衆中於是天帝
釋告三十三天曰諸賢汝等欲得即在此見
屈弥王耶三十三天白曰拘翼我等欲得即
在此見於屈弥王吟時帝釋猶如力士屈申

臂頃於三十三天上忽沒不現已來至此日
彌王殿於是屈彌王見天帝釋見已問曰汝
爲是誰帝釋荅曰大王聞有天帝釋耶荅曰
聞有帝釋告曰我即是也大王有大善利有
大功德所以者何三十天爲汝集坐善法
講堂咨嗟稱嘆曰諸賢鞞陀提人有大善利
有大功德所以者何彼最後王名曰尼彌如
法法王行法如法而爲太子后妃妹女及諸
臣民沙門梵志乃至蜚虫奉持法齋月八日
十四日十五日修行布施諸窮乏沙門梵
志貧窮孤獨遠來乞者以飲食衣被車乘華
鬘散華塗香屋舍牀蓐氎綖給使明燈

大王欲見三十三天耶答曰欲見帝釋復告
尼弥王曰我還天上當勅嚴駕千鳥車來大
王乘車娛樂遊戲昇於天上時尼弥王為天
帝釋嘿然而受於是帝釋知尼弥王嘿然受
已猶如力士屈伸臂頃於尼弥王殿忽沒不
現已還至彼三十三天帝釋到已告御者曰
汝速嚴駕千象車往迎尼彌王到已白曰大
王當知天帝釋遣此千象車來迎於大王可
乘此車娛樂遊戲昇於天上王乘車已復白
王曰王欲令我從何道送為從惡受惡報道
為從妙受妙報道耶於是御者受帝釋教已
即便嚴駕千鳥車往至尼弥王所到已白曰

大王當知帝釋遣此千鳥車來迎於天王可
乘此車娛樂遊戲昇於天上時尼彌王昇彼
車已御者復白王欲令我從何道送為從惡
受惡報道為從妙受妙報道耶時尼彌王告
御者曰汝於兩道中間送我惡受惡報妙受
妙報於是御者便於兩道中間送王惡受惡
報妙受妙報於是三十三天遙見尼彌王來
見已稱善善來大王大王可與三十三天共
住娛樂時尼彌王為三十三天而說頌曰
猶如假借乘 一時暫來車 此處亦復然
謂為他所有 我還尼薩羅 當作無量善
因是生天上 作福為資糧

阿難昔大天王者汝謂異人耶莫作是念當
知即是我也阿難我昔從子至子從孫至孫
從族至族從我展轉八万四千轉輪王剝除
鬚髮著袈裟衣至信捨家無家學道學仙人
王修行梵行在此彌薩羅大天榛林中阿難
我亦時爲自饒益亦饒益他饒益多人愍傷
世間爲天爲人求義及饒益求安隱快樂亦
時說法不至究竟不究竟白淨不究竟梵行
不究竟梵行訖亦時不離生老病死啼哭憂
感亦未能得脫一切苦阿難我今出世如來
無所著等正覺明行成爲善逝世間解無上
士道法御天人師号佛衆祐我今爲自饒益

亦饒益他饒益多人愍傷世間爲天爲人求
義及饒益求安隱快樂我今說法得至究竟
究竟白淨究竟梵行究竟梵行訖我今得離
生老病死啼哭憂感我今已得脫一切苦阿
難我今爲汝轉相繼法汝亦當復轉相繼法
莫令佛種斷阿難云何我今爲汝轉相繼法
汝亦當復轉相繼法莫令佛種斷謂八支聖
道正見乃至正定爲八阿難是謂我今爲汝
轉相繼法汝亦當復轉相繼法莫令佛種斷
佛說如是尊者阿難及諸比丘聞佛所說歡
喜奉行

大天捺林經第十竟

四千七百
二十四字

王相應品大善見王經第十一

我聞如是一時佛遊拘尸城住憇跋單力士
娑羅林中。尔時世尊最後欲取般涅槃時告
曰阿難汝往至雙娑羅樹間可爲如來北首
敷床如來中夜當般涅槃尊者阿難受如來
教即詣雙樹於雙樹間而爲如來北首敷床
敷床已訖還詣佛所稽首禮足却住一面。白
曰世尊已爲如來於雙樹間北首敷床唯願
世尊自當知時於是世尊將尊者阿難至雙
樹間四疊鬱多羅僧以敷床上。袈僧伽梨作
枕右脇而卧。足相累最後欲取般涅槃時
尊者阿難執拂侍佛尊者阿難叉手向佛白

曰世尊更有餘大城一名瞻波二名舍衛三
名鞞舍離四名王舍城五名波羅柰六名加
維羅衛世尊不於彼般涅槃何故正在此小
土城諸城之中此最爲下是時世尊告曰阿
難汝莫說此爲小土城諸城之中此最爲下
所以者何乃往過去時此拘尸城名拘尸至
城極大豐樂多有人民阿難拘尸王城長十
二由延廣七由延阿難造立樓櫓高如一人
或二三四至高七人阿難拘尸王城於外周
而有三重其壘則以四寶磚壘金銀琉璃
及水精其底布以四種寶沙金銀琉璃及水
精阿難拘尸王城周而外有三重其壘

亦以四寶塼壘金銀琉璃及水精阿難拘尸
王城周帀七重行四寶多羅樹金銀琉璃及
水精金多羅樹銀葉華實銀多羅樹金葉華
實琉璃多羅樹水精葉華實水精多羅樹琉
璃葉華實阿難彼多羅樹間作種種華池青
蓮華池紅蓮赤蓮白蓮華池阿難其華池岸
四寶塼壘金銀琉璃及水精其底布以四種
寶沙金銀琉璃及水精阿難彼池中有四寶
梯陞金銀琉璃及水精金陞銀橙銀陞金橙
琉璃陞水精橙水精陞瑠璃橙阿難彼池周
帀有四寶鈎欄金銀瑠璃及水精金欄銀鈎
銀欄金鈎琉璃欄水精鈎水精欄瑠璃鈎阿

難彼池覆以羅網鈴懸其間彼鈴四寶金銀
琉璃及水精金鈴銀舌銀鈴金舌瑠璃鈴水
精舌水精鈴瑠璃舌阿難於彼池中植種種
水華青蓮華紅蓮白蓮華常水常華無
守視者通一切人阿難於彼池岸植種種陸
華修摩那華婆師華瞻匄華修捷提華摩頭
捷提華阿提牟哆華波羅頭華阿難其華池
岸有衆多女身體光澤皎潔明淨美色過人
小不及天姿容端正覩者歡悅衆寶瓔珞嚴
飾具足彼行惠施隨其所須飲食衣被車乘
屋舍床褥氍毹給使明燈悉以與之阿難其
多羅樹葉風吹之時有極上妙音樂之聲猶

五種妓工師作樂極妙上好諧和之音阿難
其多羅樹葉風吹之時亦復如是阿難拘尸
城中設有弊惡極下之人其有欲得五種妙
樂者即共往至多羅樹間皆得自恣極意娛
樂阿難拘尸王城常有十二種聲未曾斷絕
象聲馬聲車聲步聲吹螺聲鼗聲薄洛鼓聲
伎鼓聲歌聲舞聲飲食聲慧施聲阿難拘尸
城中有王名大善見爲轉輪王聰明智慧有
四種軍整御天下由已自在如法法王成就
七寶得人四種如意之德云何成就七寶得
人四種如意之德如前所說七寶四種人如
意之德阿難於是拘尸王城梵志居士多取

珠寶鉗婆羅寶載詣大善見王白曰天王此寶
珠寶鉗婆羅寶天王當爲見慈愍故願垂納
受大善見王告梵志居士曰卿等送獻我所
不須吾亦自有

阿難復有八万四千諸小國王詣大善見王
白曰天王我等欲爲天王作殿大善見王告
諸小王卿等欲爲我作正殿我所不須自
正殿八万四千諸小國王皆叉手向耒三白
曰天王我等欲爲天王作殿我等欲爲天王
作殿於是大善見王爲八万四千諸小王故
嘿然而聽尔時八万四千諸小國王知大善
見王嘿然聽已拜謁辭退遶三帀而去各還

本國以八万四千車載金自重并及其錢俱
以不作復以一一珠寶之柱載往拘尸城去
城不遠作大正殿阿難彼大正殿長一由延
廣一由延阿難彼大正殿四寶博壘金銀琉
璃及水精阿難彼大正殿四寶梯陛金銀琉
璃及水精金陛銀橙銀陛金橙瑠璃陛水精
橙水精陛瑠璃橙阿難大正殿中有八万四
千柱以四寶作金銀瑠璃及水精金柱銀鑪
錄銀柱金鑪錄琉璃柱水精鑪錄水精柱琉
璃鑪錄阿難大正殿內立八万四千樓以四
寶作金銀琉璃及水精金樓銀覆銀樓金覆
琉璃樓水精覆水精樓琉璃覆阿難大正殿

中設八万四千御座亦四寶作金銀琉璃及
水精金樓設銀御座敷以氍毹毼毼覆以錦
綺羅縠有襯體被兩頭安枕加陵伽波瑟邏
波遮悉多羅那如是銀樓設金御座琉璃樓
設水精御座水精樓設琉璃御座敷以氍毹
毼毼覆以錦綺羅縠有襯體被兩頭安枕加
陵伽波瑟邏波遮悉多羅那阿難彼大正殿
周帀遠有四寶鉤欄金銀琉璃及水精金欄
銀鉤銀欄金鉤琉璃欄水精鉤水精欄琉璃
鉤阿難彼大正殿覆以羅網鈴懸其間彼鈴
四寶金銀瑠璃及水精金鈴銀舌銀鈴金舌
琉璃鈴水精舌水精鈴琉璃舌阿難彼大正

殿具足成已八万四千諸小國王去殿不遠
作大華池阿難彼大華池長一由延廣一由
延阿難彼大華池四寶埽壘金銀琉璃及水
精其底布以四種寶沙金銀琉璃及水精阿
難彼大華池有四寶梯陞金銀琉璃及水精
金陞銀橙銀陞金橙琉璃陞水精橙水精陞
琉璃橙阿難彼大華池周币遶有四寶鈿欄
金銀琉璃及水精金欄銀鈎銀欄金鈎琉璃
欄水精鈎水精欄琉璃鈎阿難彼大華池覆
以羅網鈴懸其間彼鈴四寶金銀琉璃及水
精金鈴銀舌銀鈴金舌琉璃鈴水精舌水精
鈴琉璃舌阿難彼大華池其中則有種種水

華青蓮華紅蓮赤蓮白蓮華常水常華有守
視者不通一切人阿難彼大華池其岸則有
種種陸華修摩那華婆師華瞻匍華修捷提
華摩頭健提華阿提牟哆華波羅賴華阿難
如是大殿及大華池具足成已八万四千諸
小國王去殿不遠作多羅園阿難彼多羅園
長一由延廣一由延阿難多羅園中植八万
四千多羅樹則以四寶金銀琉璃及水精金
多羅樹銀葉華寶銀多羅樹金葉華寶琉璃
多羅樹水精葉華寶水精多羅樹琉璃葉華
寶阿難彼多羅園周匝有阿寶鈎欄金銀
琉璃及水精金欄銀鈎銀欄金鈎琉璃欄水

精鉤水精欄琉璃鉤阿難彼多羅園覆以羅
網懸鈴其間彼鈴四寶金銀琉璃及水精金
鈴銀舌銀鈴金舌琉璃鈴水精舌水精鈴琉
璃舌阿難如是大殿華池及多羅園具足成
已八万四千諸小國王即共往詣大善見王
白曰天王當知大殿華池及多羅園悉具足
成唯願天王隨意所欲阿難尔時大善見王
便作是念我不應先昇此大殿若有上尊沙
門梵志依此拘尸王城住者我寧可請一切
來集坐此大殿施設上味極美餚饌種種豐
饒食噉含消手自斟酌皆令飽滿食竟收器
行澡水訖發遣令還阿難大善見王作是念

已即請上尊沙門梵志依彼拘尸王城住者
一切來集昇大正殿都集坐已自行澡水便
以上味極美餚饌種種豐饒食噉含消手自
斟酌皆令飽滿食竟收器行澡水訖受呪願
已發遣令還阿難大善見王復作是念今我
不應大正殿中而行於欲我寧可獨將一侍
人昇大殿住阿難大善見王則於後時將一
侍人昇大正殿便入金樓坐銀御床敷以毼
氎毼毼覆以錦綺羅縠有襯體被兩頭安枕
加陵伽波瑟邏波遮悉多羅那坐已離欲離
惡不善之法有覺有觀離生喜樂逮初禪成
就遊從金樓出次入銀樓坐金御床敷以毼

毳毼毼覆以錦綺羅縠有襯體被兩頭安枕
加陵伽波怛邏波遮悉多羅那坐已離欲離
惡不善之法有覺有觀離生喜樂逮初禪成
就遊從銀樓出入琉璃樓坐水精御床敷以
毳毼毼覆以錦綺羅縠有襯體被兩頭安
枕加陵伽波怛邏波遮悉多羅那坐已離欲
離惡不善之法有覺有觀離生喜樂逮初禪
成就遊從琉璃樓出入水精樓坐琉璃御床
敷以毳毼毼覆以錦綺羅縠有襯體被兩
頭安枕加陵伽波怛邏波遮悉多羅那坐已
離欲離惡不善之法有覺有觀離生喜樂逮
初禪成就遊阿難令時八万四千夫及女

寶並久不見大善見王各懷飢虛渴仰欲見
於是八万四千夫人共詣女寶白曰天后當
知我等並久不覲天王天后我等今欲共見
天王女寶聞已告主兵臣汝今當知我等並
久不覲天王今欲往見主兵臣聞即送八万
四千夫人及女寶至大正殿八萬四千馬八
萬四千馬八萬四千車八萬四千步八万四
千小王亦共侍送至大正殿當去之時其聲
高大音響震動大善見王聞其聲高大音響
震動聞已即問傍侍者曰是誰聲高大音響
震動侍者白曰天王是八万四千夫人及女
寶今悉共來詣大正殿八万四千馬八万四

千馬八万四千車八万四千步八万四千小
王亦復共來詣大正殿是故其聲高大音響
震動大善見王聞已告侍者曰汝速下殿可
於露地疾敷金床訖還白我侍者受教即從
殿下則於露地疾敷金床訖還白曰已為天
王則於露地敷金床訖隨天王意阿難大善
見王即共侍者從殿來下昇金床止結跏趺
坐阿難彼時八万四千夫人及女寶悉共前
詣大善見王阿難大善見王遙見八万四千
夫人及女寶見已則便閉塞諸根於是八万
四千夫人及女寶見王閉塞諸根已便作是
念天王今必不用我等所以者何天王適見

我等便閉塞諸根阿難於是女寶則前往詢
大善見王到已白曰天王當知彼八万四千
夫人及女寶盡是天王所有唯願天王常念
我等乃至命終八万四千爲八万四千馬八
万四千車八万四千步八万四千小王盡是
天王所有唯願天王常念我等乃至命終彼
時大善見王聞斯語已告女寶曰妹汝等長
夜教我爲惡不令行慈妹汝等從今已後當
教我行慈莫令爲惡阿難八万四千夫人及
女寶却住一面涕零悲泣而作此語我等非
是天王之妹而今天王稱我等爲妹阿難彼
八万四千夫人及女寶各各以衣收拭其淚

復前往詣大善見王。到巴白曰：天王，我等云何教天王行慈不為惡耶？大善見王荅曰：諸妹汝等為我應如是說。天王知不人命短促，當就後世應修梵行，生無不終。天王當知彼法必來，非可愛念，亦不可恃壞一切世名曰為死。是以天王於八萬四千夫人及女寶有念有欲者，唯願天王悉斷捨離，至終莫念。於八萬四千馬、八萬四千車、八萬四千步、八萬四千小王。天王有欲有念者，唯願天王悉斷捨離，至終莫念。諸妹汝等如是教我行慈，不令為惡。阿難，彼八萬四千夫人及女寶白曰：天王，我等從今已後當教天王。

行慈不令為惡天王人命短促當就後世彼
法必來非可愛念亦不可恃壞一切世名曰
為死是以天王於八万四千夫人及女寶有
念有欲者唯願天王悉斷捨離至終莫念於
八万四千為八万四千馬八万四千車八万
四千步八万四千小王天王有欲有念者雖
願天王悉斷捨離至終莫念阿難大善見速
為彼八万四千夫人及女寶說法勸發渴仰
成就歡喜無量方便為彼說法勸發渴仰成
就歡喜已發遣令還阿難彼八万四千夫人
及女寶知大善見王發遣已各拜辭還阿難
彼八万四千夫人及女寶還去不久大善見

王即共侍者還昇大殿則入金樓坐銀御床
敷以毳毼毼覆以錦綺羅縠有襯體被兩
頭安枕伽陵伽波瑟邏波遮悉多羅那坐已
作是觀我是最後邊念欲念恚念害鬪諍相
憎諛諂虛偽欺誑妄言無量諸惡不善之法
是最後邊心與慈俱遍滿一方成就遊如是

二三四方四維上下普周一切無結無怨無
恚無諍極廣甚大無量善修遍滿一切世間
成就遊從金樓出次入銀樓坐金御床敷以
毳毼毼覆以錦綺羅縠有襯體被兩頭安
枕伽陵伽波瑟邏波遮悉多羅那坐已作是
觀我是最後邊念欲念恚念害鬪諍相憎諛

六
詢虛偽欺誑妄言無量諸惡不善之法是最
後邊心與悲俱遍滿一方成就遊如是二三
四方四維上下普周一切無結無怨無恚無
諍極廣甚大無量善修遍滿一切世間成就
遊從銀樓出入琉璃樓坐水精御床敷以毳
毼毼覆以錦綺羅縠有襯體被兩頭安枕
加陵伽波愁邏波遮悉多羅那坐已作是觀
我是最後邊念欲念恚念害闔諍相憎諛諂
虛偽欺誑妄言無量諸惡不善之法是最後
邊心與喜俱遍滿一方成就遊如是二三四
方四維上下普周一切無結無怨無恚無諍
極廣甚大無量善修遍滿一切世間成就遊

從琉璃樓出入水精樓坐琉璃御床敷以毳
氍毹毼覆以錦綺羅縠有襯體被兩頭安枕
加陵伽波憇邏波遮悉及羅那坐已作是觀
我是最後邊念欲念恚念害聞諍相憎諛諂
虛偽欺誑妄言無量諸惡不善之法是最後
邊心與捨俱遍滿一方成就遊如是二三四
方四維上下普周一切無結無怨無恚無諍
極廣甚大無量善修遍滿一切世間成就遊
阿難大善見王於最後時生微微死痛猶如
居士或居士子食極妙食生小微煩阿難大
善見王於最後時生微微死痛亦復如是阿
難亦時大善見王修習四梵室捨念欲已乘

是命終生梵天中阿難在昔異時大善見王
者汝謂異人耶莫作斯念當知即是我也阿
難我於今時為自饒益亦饒益他饒益多人
愍傷世間為天為人求義及饒益求安隱快
樂今時說法不至究竟不究竟白淨不究竟
梵行不究竟梵行訖今時不離生老病死啼
哭憂感亦未能得脫一切苦阿難我今出世
如來無所著等正覺明行成為善逝世間解
無上士道法御天人師号佛眾祐我今為自
饒益亦饒益他饒益多人愍傷世間為天為
人求義及饒益求安隱快樂我今說法得至
究竟究竟白淨究竟梵行究竟梵行訖我今

得離生老病死啼哭憂感我今已得脫一切
苦阿難從拘尸城從憇跋單力士婆羅林從
尸連然河從婆求河從天冠寺從爲我敷床
處我於其中間七反捨身於中六反爲轉輪
王今第七如來無所著等正覺阿難我不復
見世中天及魔梵沙門梵志從天至人更復
捨身者是處不然阿難我今最後生最後有
最後身最後形得最後我說苦邊佛說如
是尊者阿難及諸比丘聞佛所說歡喜奉行
大善見王經第十一竟

四千六百
一十三字

輻音福 | 昱燦 | 二字正作煜 | 燐上 | 余料理上 | 郎

紺古暗反 | 青芬 | 馥下音伏 | 香捷 | 疾上 | 才諭 | 諂

正羊朱反 | 訣嬉 | 戲上許之反 | 遊也 | 鑷屈輒反 | 拔者 | 恕跋 | 跋

蒲末 | 和下 | 襃僧 | 伽也 | 上必亦反 | 卷一 | 脇虛 | 業反 | 也

樓櫓 | 下音 | 魯城 | 上守 | 漸七 | 焰塿 | 壘上 | 音專 | 木

及也 | 梯陞 | 上湯 | 兮反 | 下蒲 | 殖植 | 常力 | 反也 | 瞻增

上音占 | 下蒲 | 諧和 | 上皆反 | 戶鉗 | 婆兼反 | 鑪錄 | 上都反

桂上 | 枿也 | 下蘇 | 情喜音 | 穀胡 | 谷愁 | 邏下 | 郎賀 | 餽

朗反 | 桂下 | 石也 | 覲渠 | 鎮反 | 近也 | 涕零 | 上音 | 替下 | 泣音 | 淚

也撰 | 下床 | 總反 | 覲見 | 也近 | 涕零 | 上音 | 替下 | 泣音 | 淚

拭

反上 | 拭也

中阿舍經十卷

夙

